



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը



You are free to:

Share — copy and redistribute the material in any medium or format

Adapt — remix, transform, and build upon the material


891.99
7-35

1887



RECEIVED


DEPT. OF AGRICULTURE



19 NOV 2011

891-99 47

7-35



ՈՒՆՏԱԻՈՐՆԵՐ

ԱՇՈՒՂԻ ՀԵՔԻԱԹԸ

1001
587

<p>Հրատարակարիւն Ս Տ. Լ Ի Ս Ի Ց Ե Ս. Ն Ի ԵՐ Ը Ն Կ.</p>

88 88
78 47

ԹԻՖԼԻՉ 1904

Տպարան „Հ Ե Ր Մ Է Ս“ Միխայելյան Փող. 81.

(8)

02 MAR 2013

27.979



ՈՒԽՏԱԻՈՐՆԵՐ

Օղի մէջ մի քանից, թեթև շունչ կայ, որ գարուն է յիշեցնում:

Բայց նա արդէն եկել է: Սար ու ձոր սևացել են արդէն: Դաշտերը կարծես մէկի ձեռքով սրբած աւլած են ու մաքուր: Եւ բարձրանում է գոլորշին արևի ջերմութիւնից, առագաստի ձևեր տալիս, հաւաքւում ու բաժանւում է հսկայական վարագոյրի պէս: Եւ ծայրը արդէն հասել է երկինք:

Բայց դեռ ո՛ր է կանանչ, ո՛ր է ծաղիկ—նրանք չեն երևում: Տեղ-տեղ միայն, այն էլ է հազարից մին, կը տեսնես որ անձ կանանչը գաղտուկ դուրս եկել՝ քեզ է մտիկ տալիս: «Գարունը եկել է»... ասում ես և զգում, որ սիրտդ այնպէս է ձխում, ոնց որ վճիռ երկինք տեսած արտուտ: ձխում է նա, և քաղցր մարում կրծքիդ տակ, և այնպէս ուզում ես ապրել...

Բարձր սարի ծայրին դեռ ձիւն կայ նստած: Բայց նրա աչքերն էլ լցւել են ուրախութեան արցունքներով, նա էլ փուլ է գալիս:

Մենակեաց, մտածկոտ գիւղերով և սև արտերով ծանրաբեռնւած դաշտը քանի գնում ալիք է խփում, դառնում բլուր: Նա էլ գնում խոփոռանում է և վերջանում բարձր անդնդաբաժան լեռնուտով, որոնց միջից,

Дозволено цензурою 17 Февраля 1904 г. Гор. Тифлисъ.

այեղարդ քուրմի նման, ահա բաց է արել իր դալուճ
ճակատը մի կոնաձև գաղաթ,

Եւ աղօթում:

Կարծես անհուն դարերից 'ի վեր՝ նա հարցում է
ուել երկնքի անհուն կապոյտում սաւառնող ոգիներին
և պաասխանի սպասելով սառել—մնացել է:

Հոգն ու հողմը այնտեղ՝ դարթնելով՝ բաց են ա-
նում իրանց թևերը, շնչում—թռչում և ոտոստելով
լեռների ու բլուրների ծայրին՝ սուբալով գալիս խու-
ժում են ձորերը և այնտեղից դուրս սահելով՝ գնում են
թափառում լայն-լայն դաշտերում և չափ ընկնելով
գնում կորչում հեռուները:

Գարունքին բնութիւնը հաշտում է մարդու հետ:
Ցանկանում ես ընկնես նրա գիրկը և թափես նրա ա-
ռաջ թագցրած խոստովանքը:

Գեղջուկը դիմում է ուխտագնացութեան:

Տօն օր է: Դէպի բլուրների ծայրը տանող նեղլիճ
ու քարքարոտ շաւիղը կենդանացել է մարդկանց հատ-
ուկատր խմբերով:

Մատուռ են գնում:

Դատարկած գիւղերեց մէկի տան առաջ կանգնել
էին մի քանի գիւղացի, որ նոր էին պատրաստում
մատուռ գնալու:

Երեսանները անհանգիստ ելումուտ էին անում
խրճիթի դռնից և երկար ճիպոտները ձի արած՝ վազ-
վզում էին դէս ու դէն:

Գիւղացիներից մինը անհամբեր ձայն տւեց նրանց.
—Մի գնացէ՛ք՝ ասէ՛ք՝ շտապեն, է՛. ուշանում ենք:
Կանայք դեռ պատրաստ չէին:

Իսկ երբ սպասողների համբերութիւնը հատաւ,
մէկը ներս ընկաւ թնդալով:

—Օճօ, էրնակ ձեզ, էլ ի՞նչ ենք ուզում. սօ, դէ
շուտ արէ՛ք, հարսանիք հօ չէ՛ք գնում:

Կանայք լուռ փաթաթեցին կապոյտները և բալու-
լած երեսանները գրկելով՝ դուրս ելան: Եւ խումբը սկը-
սեց ծանր ու բարակ ոտ վերցնելը: Կանայք առաջ ըն-
կան, որը ոտաբորիկ, որը նոր ոտնամաններով: Զուգ-
ւել պաճուճւել էին, ով ինչով կարողացել էր:

Երբ գիւղից դուրս եկան, կանանց մէջ հասակնե-
րի խառնուրդը պարզւեց: Պառանները մօտեցան իրար
և սկսեցին հեալով, տնքալով, գլուխ գլխի տալով քաշ
գալը: Իսկ հարսներն ու աղջիկները աւելի առաջ ըն-
կան՝ սկզբում իրար ականջի քշփշալով, իսկ երբ տա-
րածութիւնը անվտանգ դառաւ, ձայները բարձրացրին:

Սրտակից ու սրտին մօտիկ խօսակցութիւն:

Նրանց մէջ աչքի էր զարկում մի ջահիլ, դալ-
կադէմ և նազելի նորահարս: Դէմքից երևում էր, որ
բնութիւնը մի ժամանակ հանգիստ խղճով ընտրել էր
նրան և շնորհել շատերից խնայած մի ներդաշնակ գե-
ղեցկութիւն:

Իսկ հիմա ճւր էր նա—այդ գեղեցկութիւնը:

Ինչոր մի գաղտնի, երկարատե և անգուժ հիւան-
դութիւն կաշկանդելով նրա ողջ էութիւնը՝ աղաւաղել
էր դէմքի գրաւիչ գծերը:

Նրա մէջ մի ժամանակ բացավառ կեանքի խարոյ-
կը անցել էր արդէն և մնացել էին մի քանի աղօտ կայ-
ծեր, որոնք նրա աչքերում անհանգիստ շողում էին:
Նայողը կասէր, որ նրա հոգու մէջ մոխրի տակ, ամեն-
քից ծածուկ, մի բան կար թագնւած:

Նա գրկին ունէր մի երեսայ, որ ջղաձգօրէն ոլոր-
ւում ու տրորւում էր և անհանգիստ ծւոցով դժգոհում՝
չէս իմանում ինչից:

Մայրը կանգ առաւ յոգնած: Պառուաները հասան նրան և «յոգնեցիր», հա. դէ նստիր» ասելով անցկացան մօտով:

Այդ ժամանակ տղամարդերից մինը, մի խոժոռահայեաց, բայց և չ'սիրունատես երիտասարդ, առաջ անցաւ իր խմբից և մօտենալով յոգնած կնոջը՝ լուռ նայեց նրան և ձեռից առնելով երեսան՝ հազիւ լսելի ձայնով ասաւ.

— Առաջ անցիր:

Հարսը շտապեց: Տղամարդիկ հասան. նրանցից մինը դարձաւ մի հասակաւոր տղամարդի, որ այն հարսի ամուսինն էր, և ծիծաղելով ձայն տւեց.

— Այ մարդ, տես ինչ սրտացաւ քաւոր ունիս. դու էն ասա, որ հէնց իրա տեղը ոնց էլ պէտք եկան:

Ու հռոպաց ոամիկ ձայնով:

Կնոջ ամուսինը ոչինչ չ'պատասխանեց, այլ միայն կոպիտ ժպիտը ծռելով հաստ շուրթերի մօտ, նայեց խօսակցին: Միւսները քոքոսցին ու շարունակեցին իրանց ընդհատած խօսակցութիւնը:

Եւ խառնելով ուրիշ ուխտաւորներին՝ սկսեցին կամաց-կամաց սարնիվեր քաշ գալը:

Փոքրիկ սարի ծայրին, կիսաւեր, իր մամռոտ տարիների մէջ փաթաթեալ՝ ահա երևում է նա—մատուռը:

Հազիւ է պատահում, որ ուրիշ օր մարդ մօտենայ այդ մատուռին: Կեռների չխօսկան հովիւրը միայն մէկ-մէկ մօտիկ քշելով ոչխարի հօտը՝ մատուռ է մտնում, վեր է առնում մորթէ իւղոտ փափախը և անվարժ խաչակնքելով՝ մոմածեփ վէմը համբուրում ու դուրս է գալիս՝ չհասկանալով անգամ թէ մտքումն ինչ աղօթեց:

Այսօր ուրիշ է բայց: Անյայտ դարերի անյայտ սուրբը այսօր քաշել բերել է իր մօտ գիւղացուն:

Արդէն մատուռի շուրջը խմբել է ուխտաւորը. փեթակի պէս ծեփել է նա գիւղական խայտաճամուկ ամբոխով: Հեռից խուլ հասնում է նրա ծանր վժժոցը:

Իսկ մարդկանց կծիկը, որ քանդու է զանազան գիւղերից, դեռ չէ վերջացել:

Նրանք կամանց-կամաց, առանձին հատուածներով, փունջ-փունջ շարժոււմ են դէպի սուրբը:

Մեր նորեկները տեղ հասնելով՝ կապոցները դի-գեցին մի քարի մօտ և գնացին խառնակցին մատուռի մէջ խցկեած ամբոխին, որ եռանդուն աղօթում էր այնտեղ:

Դեղին բարակ մոմերը լոյսի խաղաղ նշոյլներ էին փռում սևացած ու մոմածեփ վէմի վրա:

Ամբոխը իր աղօթքի հետ էր: Որը լալիս էր, որը զանգատուում, որն էլ աղերսում էր բարձրածայն . . .

Դալուկ հարսն ու իր քաւորը առաջ անցան, խաչակնքեցին, համբուրեցին վէմը և նորից քիչ ետ կանգնելով՝ այդպէս մնացին իրանց տեղում մեխած, վերացածի նման:

Աղօթում էին մտքներում: Երկուսն էլ աղերս ունէին սրբի մօտ, երկուսն էլ նրա դուռն էին եկել իրանց խոստովանքը թափելու:

Մոմերի խաղաղ լոյսը թրթռում էր երկուսի դէմքին, որ գունատուած էին մի սրբազան լրջութեամբ և ինչոր ներքին խաղաղ վշտով:

Իսկ մատուռի մի անկիւնում քչքչում, երեսի պէս ծիծաղում էր մի աղբիւր, կարծես նոր լեզու էր առել, թոթովում էր և ուզում էր խօսել, խօսել ու չ'հատնել: Եւ այնպէս սիրտը լցւած լեզուն էր տալիս, այնքան դուրեկան ու կենդանի էր նրա ձայնը, որ ամենքը լուռ լսում էին նրան:

Ուխտաւորները այնտեղից շուր էին վերցնում, խմում, քսում երեսներին . . .

Հարսն ու քաւորը դեռ երկար աղօթում էին: Ոչ ոք չէր խանգարում նրանց:

Մատուռի դռան մօտ սակայն երկու պատու կանգնած թոնթորում էին և հետն էլ գլուխները տմբամբացընելով՝ նայում «հարսին ու իր քաւորին»:

Նրանցից մինը յորանջեց, երեսը խաչակնքեց ու ասաց.

— Ի՛րի՛ . . . էրնակ իմանամ՝ ի՛նչ մուրազի վրա են, քէ մատաղ . . .

— Տուն ա քանդել, տո՛ւն, չարդ տանեմ, տուն ա քանդել, սուս կաց, — պատասխանեց միւսն ու հառաչեց:

Հարսն ու քաւորը աղօթեցին քիչ էլ ու դուրս ելան մատուռից: Իսկ դուրսը արդէն մատաղները մորթել, բաժանել, հացի սոււրճքը բացել, սկսել էին կեր ու խումը:

Մանրիկ երեխաները հացի, գաթի պատառները դնչներին սեղմած՝ վազվզում էին դէս ու դէն ու մեղունների պէս վժվժում:

Չուռնան որքան ուժ ունէր՝ փչում էր ու ձայնը ծոր տալիս, ընկերն էլ դամբ պահում, իսկ թմբկահարը այնպէս եռանդով էր ձայների ալիքը ծեծում, կարծես ուզում էր նրանց լեղին չորացնել:

Այս խառը, խուլ աղմուկի, խճճւած ու իրար հիւսւած ձայների միջից սկսեցին մէկ մէկ դուրս ձգել գիւղական պարզուկ երգերի հատուկտոր փորձեր:

Յանկարծ դուռնան «ծի՛ ծի՛ ծի՛» արեց ու ձայնը կտրեց:

Մի քիչ էլ, և ահա որտեղից էր՝ յանկարծ դուրս թռաւ՝ ճնշւած, զգացումները պատռելով, մի երգ և ու-

նդ թևերով ետ մղելով իր վրա կուտակւած ընդհանուր աղմուկի ամպը՝ թռաւ վեր:

Եւ այն էր որ դուրս պրծաւ:

Աղմուկը լռեց, և շենային երզը թռչելով ու մեր լեռների նման ոլորւելով ու կտորատելով՝ գնաց հեռուն և երկարածիւղ հառաչեց ու կտորեց, մարաւ . . .

Թռաւ մի ուրիշ հոսանք նրա ետևից, ձայն տւեց հեռուն ու սուգեց հեռուն ձորերի մէջ:

Այդ երգի մէջ վիշտն էր, որ չհամբերեց, դուրս թռաւ կտորւած սրտից, թափ տւեց իր մաղձն ու դառնութիւնը:

Եւ ամեն անգամ հառաչում էր ու հանգչում.

— Վայ լէ, վայ լէ, վայ լէ . . .

Էլ ո՞վ կ'համբերէր: Գարուն է, եկել են ուխտ: Սա մի կարմիր օր է, կանցնի կերթայ անդարձ:

Ձահիճների սիրտը կրակ է ընկել. զգացումները բանալու աղատութիւն է:

Խմբւում են իրար մօտ, գտնում են իրար:

Ու պարերը սկսում են:

Առաջ ծանր, համբատատան ու լուռ, և յետոյ շարժումների հետ արագանում է հոգեկան փոթորիկը— ու գնաց . . . կրակ է կտրում պարը: Մեծ բոլորակ շղթան տենդոտ չափերով «հօփ, հօփ»—տոփում է գետինը ու մրրկի նման արագ պտոյտ գալիս:

Բայց ահա դարձեալ նւաղում է պարը: Եւ ահա սկսում է պարերգը: Երգում են փոխառփոխ տղէրքն ու աղջկէրքը:

Մէկը հեգնում է երգի մէջ, միւսը անիծում, մէկը գանգատում է իր բախտից, միւսը խնդում . . .

Խումբը քիչ-քիչ սոււրացաւ: Մեր նորեկները գնացին խառնեցին պարին:

«Ձան», լսում էր այն կողմից, գոռում էին, ու պարը քանի գնում՝ տաքանում էր:

Պառաւեներն էլ, որ նստել էին հեռուն կամ ման գալիս դէս դէն, կուզէկուզ մլուլ գալով՝ հետևում էին պարին իրանց կտորւած ժպիտներով ու հրճւում ջահիլները վրա:

«Ձան, սո վերցրէք. հօփ, հօփ», թնդում էր պարագլուխը: Իսկ զուռնան հօ անխնայ տապակում էր պարի եղանակը ու կարծես եղի մէջ տփլփայնում:

Վիշտն ու ուրախութիւնը ձեռ ձեռի այնտեղ պար էին դառնում:

Քէֆը բոլորի սրտովն էր, բոլորի համար: Գոռում էին այստեղ-այնտեղ, «հէյ» ձայն էին տալիս իրար: Ու ծիծաղում, հրճւում էին մեծերը, փոքրերը, ծիծաղում էին անատամ պառաւեները, մանրիկ ժպտում էին պստիկ հարմները:

Ծիծաղում էր և արևը, որ եկել՝ երկնքի մէջ տեղը կանգնել թամաշա էր անում այս գփւած բազմութեանը:

Իսկ ժայռերի ծայրին, մատուռի կտրին սարեկները հօ այնպիսի ժխոր էին բարձրացրել, այնպէս վիճում, հանաք կովշտում էին ու գփւում, որ կարծես աշխարհը իրանցն էր:

Այդ ընդհանուր ուրախութիւնից հեռու նստած էր սակայն մեր դալուկ հարսը և տխուր նայում էր պարին:

—Աղջի, այ ջրատար, վեր կաց, վեր,—հեռու ժխորի միջից ժպտում ու ձայն էր տալիս ձեռով անելով՝ մի պառաւ հարսին, որը թէպէտ ձայնը չէր լսում, բայց հասկանում էր թէ ինչ են ասում իրան, և նայելով պառաւին՝ ինքն էլ ժպտում էր:

Բայց տխուր ու մոլոր...

—Վեր կաց, վեր,—ձեռով էր անում պառաւը, հետն էլ հասկանալով, որ հարսը պարելու հալ չունի: Նա ախար հիւանդ էր, արդէն յոգնած ու նւազած...

Գարնան զարթեցնող ձայները, այդ նաշխուն ամբողջի ուրախ ժխորը ամեն կողմից պաշարելով՝ առել էին նրան իրանց թեխն ու տանում էին նրա ցաւած հոգին:

Դէպի մի ուրիշ կեանք, որ արդէն վաղուց ապրւած էր:

Նա մոլոր հայեացքով նայում էր իր դէմը խլրտող ուրախութեանը, լսում էր ջահիլ, ճկուն ու արծաթի մաքուր ձայներ, որոնք նրան այնքան ծանօթ էին ու սիրելի, բայց և որոնք հիմա ոչ մի ուրախութիւն չէին նրա համար, այլ միայն այն կեանքն էին յիշեցնում:

Եւ երբ մի կերպ հանգստացրեց իր լալկան ու հիւանդ երեխային, բալուլը գիրկը առած՝ թաղեց այդ յիշողութիւնների մէջ:

Յանկարծ կարծես զարթնեց մի խորին թմրութիւնից, ինչպէս օձը ձմեռւայ քնից: Իրան թւաց թէ սուտ էր այն, որ ինքը ամուսնացած է: Սուտ էր կարծես, որ անա այնտեղ, պարողների մօտ կանգնած կուպիտ մարդը իր ամուսինն է...

Ու եկան, մէկ մէկ, կարմիր շարքերով անց կացան նրա աչքի առաջով այն օրերը, երբ նա ազատ, գեղեցիկ և ուրախ աղջիկ էր: Քանի պարերի, ուրախութիւնների ու հանդէսների կախարդիչ հրեշտակն էր եղել նա: Քանի ջահիլ սիրտ էր կրակ գցել: Նա այն ժամանակ ջահիլների արբեցնող ու գփւացնող կուսածաղիկն էր:

Յիշեց՝ ինչպէս ամենքը սուտ էին կենում յան-

Արծ, երբ նա պար էր մտնում ու սկսում էր ոգևոր-
ւած երգել:

Ուր էլ գնար նա—կրակ էր տանում հետը: Եւ
Չահիլները թէ մի-մին մէկ տեղ հաւաքւած՝ բարձր
խօսալիս ու քրքջալիս էին լինում, նրան տեսնելիս
շունչները պահում, աչքները գցում էին նրա հպարտ
ու գեղեցիկ գէմքին ու ծածուկ ամեն մէկը իր մտքում
հառաչում էր:

Յիշեց այդ բոլորը այնպէս պարզ, այնպէս կեն-
դանի՛ . . .

Բայց այդ մի վայրկեան էր միայն: Նրա հոգին
յողնած էր հիմա և իզուր էր ճգնում նա մոռանալ այդ
անգութ ներկան, զարթնել անցեալի ձայներով ու ապ-
րել նորից այն կեանքը, որ հիմա թռչնի պէս թռել—
կորել էր՝ ո՞վ գիտէ ուր:

Նա դարձեալ գլուխը կախեց ու ահ ու դողով, թա-
գուն, ամեն աչքից թազուն՝ հայեացքը շեշտեց հեռու
քարին նստած իր քաւորին: Տեսաւ՝ ինչպէս նա աչքերը
գեանին գցած միտք էր անում: Եւ թէև նա իրան չէր
նայում, բայց զգաց, որ նրա սիրտը իր կողմն է թռչում:

Եւ իր սիրտն էլ ցաւեց. նա խղճահարեց և քնքը-
շօրէն՝ մտովի փարեց այդ անբախտ էակին, որը սուե-
րի պէս գալիս էր իր հետքից:

Իր կուսական սրտի առաջին սէրն ու ուրախու-
թիւնը հէնց այդ երիտասարդն էր: Ծանօ էր սիրում
նրան, շատ էլ սիրւած էր նրանից: Սիրից նա, բայց
իր կեանքը յաւիտեան կաշկանդող սրբավայրում նա իր
կողքին տեսաւ ո՛չ թէ իր սիրելուն, այլ մի օտարի, որի
կեանքի հետ փակեցին իր կեանքը մի տան մէջ:

Եւ այն էլ յաւիտեան, անխղիւի և ընտանեկան
սրբութեան անջնջելի կնիքով:

Հպարտ վարդը ոլորեցին փշի հետ, նա էլ լացեց,
թառամեց ու թափւեց . . .

Բայց նրա հոգին փոթորկող զգացումը չմեռաւ,
այլ թագնւեց նրա սրտի մի անկիւնում, կուչ եկաւ, որ
մարդիկ չտեսնեն ու հալածեն:

Սէրը գտաւ իր գոյութիւնը ապահովելու գաղա-
նիքն ու հնարը:

Չխախտեց բայց ընտանեկան սրբութիւնը:

Սակայն սէրը, այդ ամօթալի ու անխուսափելի
կապը, նա էլ եկաւ ու այդ երկու սրտերի վիճակը կար-
գաւորեց ուրիշ անբնական դրութեամբ:

Բիրտ ու վայրենի մարդկանց զոհ — այդ զգաց-
մունքներով լի աղջիկը իրան նւիրւած երիտասարդին
իր կնքահայրը դարձրեց:

Կնքահայրը—օրինական շղթան իր զգացումների:

Ու նրանց սէրը, որ հիմա կար, արդէն նման էր
մի հեռուոր ուրախութեան, որ գոյութիւն ունէր նը-
րանց համար, բայց որը էլ չպէտք է այցելի իրանց:
Այլ երկուսը պիտի մխիթարեն, մտովի ապրեն իրա-
րով, իմանալով որ նա կայ—մի ինչոր հեռու տեղում:

Այդ կոչումը շատ էր հալածել երիտասարդին,
բայց նա յետոյ հաշուել էր, տեսնելով, որ իր հետ զոհ-
ւել է նաև մի քնքոյշ արարած, մի հպարտ կարապ, որ
թէև ճերմակ, լսի պէս լողում է լճի վրա, բայց ճակա-
տին մի սև նշան կայ:

Այսօր միայն, զարնան տօնի և ուրախութեան
հետ, զարթնեց և նրա հոգին: Նրա սիրտն էլ ճխաց,
ինչպէս նոր գարուն տեսած թռչուն . . .

Նա տխուր ու մոայլ հայեացքով նայեց ուրիշի կը-
նոջը և հեռացաւ բազմութիւնից:

Գնաց, այնտեղ բլուրի միւս լանջին ժայռեր կա-

յին, նստեց այնտեղ և մէջքը դէմ տալով չոր քարին՝ հայեացքը սուղեց հեռուն:

Ի՞նչ էր որոնում այնտեղ:

Այնտեղ ոչինչ չկար որոնելու: Ամեն ինչ իր մէջն էր: Աչքերը դաժան ու պղտոր էին, առնական կուրծքը շնչատում էր: Մի բան էր խոնաւանում աչքերում, բայց չէր գլորում:

Նրանք քարացել էին:

Իսկ քամին հեռից բերում էր լեռնական երգի կտորաւանքը, որ թռչկոտելով գալիս դիպչում էին ժայռերին ու փշրւելով թրթռում ու նւաղում էին:

—Վայ լէ, վայ լէ, վայ լէ...



ԱՂՈՒՂԻ ՀԻՔԻԱԹԸ

Նոյեմբերը սկսում էր:

Նստել էի ձիս, ետիւրնջիս ամուր փաթաթւել, ճամբայ էի գնում: Ուշացել էի. շտապում էի, որ գոնէ գընամ, մի տեղ, մի գիւղ հասնեմ:

Նոր մթնելով էր, օրը ամպ, երկինքը կախւած, թթւած... Հազարատուտ մշուշը եկել՝ վիշապի պէս չորքել էր սարերի վրա: Խոնաւ արտերում ողորմելի կերպով ցցւել էին գարու և ցորենի մնացորդները:

Ցուրտ էր, թոռ ու թանց...

Հեռու լեռան փեշերքին սեկն էր տալիս մի աղքատիկ գիւղ, որի խրճիթները ասես փորփրած, քերծած տեղեր լինէին: Նրա շուրջը կեանք չէր շարժում:

Առաջ բարակ անձրևում էր, հիմա էլ փչեց ձիւնախառն քամին: Գորշ խաւարը քանի գնաց խտացաւ, գիւղը կորաւ աչքեցս, սարերը թաղւեցին նոյնպէս խաւարի մէջ:

Մնաց միայն ցեխոտ ճամբան, որի վրա անձրևաջրի լճակներ էին գոյացել ու ողորմելի ձայնով շրջփում էին ձիուս եռանդուն քայլերից:

Ես ոտ վերցրի: Շրջակայքի տխուր տեսքը վատ երազի պէս ճնշում էր ինձ: Կարծես շուրջս ամբողջ աշխարհը մեռել էր, ու ես էի միայն արշաւում այդ ա նսպատի վրայով:

Յանկարծ ականջիս մի հաստ ու խոպոտ ձայն հասաւ:

Ո՞վ պէտք է լինէր, բացի պառաւ շնից, որ յայտնում է իր խոպոտ զարմանքը անակընկալ հիւրի պատճառով: Թող զարմանայ ինչքան կուզէ, նրա խոպոտ ձայնը մի հաճելի երաժշտութիւն է ուշացած ճամբորդի համար:

Գիւղի ծայրից հիւրընկալ լոյսի փայլուն շողը արդէն բարևեց ինձ: Ահա և գետնափոր խրճիթները: Ծները վրա տւին և ինձ մէջ առնելով՝ սկսեցին իրանց անտանելի հարց ու փորձը: Ես էլ ՚ի հարկէ նրանց մըտրակով պատասխանում էի, որ հետները գործ չունիմ:

Քշեցի ձիս խրճիթներից մէկի առաջ:

Ամառայ աշխատանքներից մաշած ու յոգնած սայլը գլուխը դրել գետնին՝ հանգստանում էր: Դռնից լոյս չէր երևում: Երևի օդան ներսէններս էր:

Ծների հաջորդ տանեցիներից մէկին դուրս կանչեց: Դա մի մոայլ տղամարդ էր՝ ճրագը ձեռին:

— Էհէյ, սիվ է, — կանչեց նա:

— Ծամբորդ եմ, — ասի ես, — ուշացել եմ. հիւր չէ՞ք ընդունի:

Նա ինչոր փնթփնթաց քթի տակ, որ ես չլսեցի: Ծները հօ գլուխ էին տանում: «Դէ ոսդ եղէք, է՞», ասաց ու մի քար շարտեց նրանց կողմը: Ձեռաց ձայները կտրեցին ու մոռալով հեռացան խեղճերը՝ առանց իմանալու իմ ով լինելը, որ երևի նրանց համար շատ էր հետաքրքիր:

— Դէ ցած արի, է, — մօտենալով ինձ զարձա գլուղացին:

Մի բոպէից յետոյ ձիս քաշեցին ախոռը, իսկ ես խարխափում էի մի խաւար բաւիղում: Եւ իսկապէս

սրտեղ էի: Դիպայ մի պատի, առաջիցս մի այժ էր կարծեմ որ փոխաւ և քնած հաւը տհաճութեամբ ճչաց:

— Էս կողմը տիրացու, էդ սըր ես գնում, ետևից հասնելով՝ ասաւ հիւրընկալս և լոյս արաւ, որ դուրը տեսնեմ:

Վերջապէս օդայի դուռը նազ անելու ձայնով երկար ծորեց, և մենք մտանք ներս: Օխայ, օջախի կրակը ուրախ թրվում էր տհազին կարմիր թիթեռի նման, հաճելի լոյսը սփռելով սեացած պատերին: Կրակը ձմեռայ վարդն է, ի՞նչ սիրուն գրաւիչ վարդ, որ աշունքին է սկսում բացել:

Տան «ջոջը» նստել էր օջախի գլխին: Նրա կողքին ու դէմուգէմը հինգ-վեց հոգի շարւած մտնում էին:

Աղքատիկ խրճիթ, պատառոտած շորեր, արևակէզ, մաշած դէմքեր, — այդ էր միայն աչքովս ընկնում՝ ուր նայում էի:

— Բարի աջողում:

— Այ, Աստըծու բարին. հրամէ, տիրացու, — հիւրասիրեց ջոջը:

Ու ես նստեցի:

Սովորական հարց ու փորձ: Մի քիչ էլ խօսեցինք դէսից դէնից, և ես ամեն բան իմացայ: Դրանք աղքատ մարդիկ էին, զրկանքներից ծիւրելի, ձախորդութիւններից ջարդուփշուր եղել, ոչնչացել ու հաշտւել էին քմահաճ բախտի հետ:

«Ի՞նչպէս են կարողանում ապրել սրանք» — հէնց նոր էր այդ միտքը շարժւել գլխիս մէջ, որ տան ջոջը երեսը դարձրեց պատի հեռու անկիւնը, որ կորել էր սուտերի մէջ:

Օհօ, նոր նկատեցի, որ այնտեղ մարդ էր նստած:

1001
185

Ո՞վ պիտի լինէր: Նայեցի, մէկը ծալապատիկ նստել էր այնտեղ մուսիայի նման ու մտքերի ետև ընկած՝ ճնշելու ու սուս էր կացել: Գլխին ծածկել էր մի տափակ փափախ: Իսկ գլխավերևը պատից քաշ էր արել մի երկար տոպրակ, որի միջինը անշուշտ սազ էր:

էլ ի՞նչ խօսք, որ նա աշուղ էր:

Բայց ի՞նչ էր գնացել խցկընել այն հեռու անկիւնը:

— Էլի ի՞նչ ես մտքերիդ ետևն ընկել,—ասաւ նրան ջոջը: Մարդ Աստըծոյ, մի բան ասա, մի բան ածա՛ լսենք: Մտածելուց ի՞նչ դուրս կ'գայ:

— Լաւ է ասում Համբո-ամին, մի բան պատմի՛ր, ահանջ դնենք,—նկատեցին միւս գիւղացիք:

Նա կարծես խոր քնից արթնացաւ և ծանր վեր կենալով տեղիցը՝ մօտեցաւ օջախին:

Կոյր էր, մաշած, տխուր:

Փափախը վերցրեց: Ծերութեան ձիւնը նստել էր նրա մագերի ու բեխերի վրա. մօրուքը խուզած էր: Հագին ունէր կապոյտ շալից, պատառոտուն, չորս-հինգ տեղից կարկատած մի երկար աբխալուղ: Մէջքը պընդացրել էր լայն կաշէ գօտով: Օձիքը չէր կոճկած. մի քանի քանդած կոճակներից թաւամազ կուրծքը բաց երևում էր: Նրա միջի կեանքը խուլ էր ու թաղած: Նա մի ողորմելի արարած էր, որին եթէ մի անգամ էլ փչէր կեանքի ձախորդութիւնը՝ անձայն կ'մարէր:

Չորացած ձեռները առաջ էր տարածել տաքանալու համար, բայց կրակը իրենից քիչ հեռու էր: Քիչ էլ մօտեցաւ կրակին: Եւ այն ջերմութիւնը այնքան նրա համար հաճելի էր, որ առաջ պարզած ձեռները կարծես հանգչում էին նրա կեանքի միակ նեցուկի վրա:

Եւ հոգատարութեամբ շոյում էին:

Ինչ որ մի բան փայլում էր նրա դէմքին: Ժպիտ էր...

— Սա մեր գիւղի աշուղն է, տիրացու,—ասին ինձ: Դէ՛ հալից ընկել, վեր է ընկել մեզ մօտ ու մի կերպ եօլա ենք տանում:

— Դէ սազը վեր բերէք, տեսնեմ,—ասաւ աշուղը, խօսելով նրանց հետ, բայց չտեսնող աչքերը գցելով դէպի հեռու անկիւնը:

Ցած բերին սազը, տւին իրան:

Աշուղը բաց արեց տոպրակը և զգոյշ շօշափելով դուրս հանեց սազը այնտեղից:

Լսյն, մեծ սազ էր դա, տարիներից սկացած արգէն:

Նա սկսեց լարելը: Ու շարունակ լսում էր՝ ծընկ, ծընկ—կարծես վերջ չունէր: Բայց նա չէր շտապում. նրա խոռոչ աչքերը սակայն նայում էին մտքի հայեացքով և թէպէտ այդ բոլորին նրա շրթունքների մօտ մի բան արդէն ծուկ էր ժպիտի նման, բայց նրա աչքերը դարձեալ խիստ էին, դարձեալ մութ: Այնտեղից ներս յաւիտեան լոյս չպէտք է մտնէր:

Խղճալի էր նա, ծեծած ու կոր:

Ողորմելի ծնկծնկոցները հազիւ ներդաշնակութեան եկան: Յետոյ նա եղանակեց մի նախարան—անորոշ ձայների մի կուտակութիւն, բայց որը տեղ-տեղ մեղամազձոտ ու գանգատուող շեշտեր ունէր: Կամաց-կամաց եղանակը որոշեց. նա հասկանալի էր դառնում ու ազդում: Չայները ոլորում, թուչկոտում, թրվոտում էին ու տակից գողտուկ լաց լինում: Նրանք հառաչում էին աղքատութեան մրմունջով և հանգչում խուսափող բախտի կարօտի նման: Մէկ-մէկ էլ կարծես արցունքի

կաթող շիթեր լինէին, որ իրար ետևից մերթ արագ, մերթ ծանր կաթում էին ու երբեմն էլ կուլ գնում:

Այ թէ ինչո՞ւ համար էր նա սազը այդպէս ամուր սեղմել կրծքին: Դա նրա հարազատ զաւակն էր, և ի՞նչ մեծ, ինչ մեծ մխիթարութիւն . . .

Խրճիթը քիչ-քիչ կենդանացաւ, պատերի մէջ շունչ ցւեց. նրանք տխուր ժպտացին:

Իսկ օջախի կրակը չրթում, խաղում ու ժպտում էր երեխի նման. նա էլ էր ուրախացել: Օդան հիմի տաք էր, հաճելի. ես թեք ընկայ պատին, որ աւելի հաճութեամբ ահանջ գնեմ:

Նա սկսեց մի երգախառն հէքիաթ: Սկսեց ոգել հանդիսաւոր ձայնով. բարձրացրեց ձայնը, ու մենք աւելի սուս կացանք:

Մի քանի խօսք էլ, և ահա ունկընդիրներս թողինք այս յիմար, խեղճ ու դաժան իրականութիւնը ու թուանք, գնացինք այնտեղ, ուր այնպէս խիզախ ու յաղթանակօրէն թռչում ու կտրում էր աշուղի երեակայութեան թևը: Յանկարժ մեր աչքին ծաղկեց մի ցնորալի կախարդական աշխարհ, որից իմ կողքի ունկընդիրները թեթև և ուրախ շունչ քաշեցին: Այդ աշխարհը առաջ չկար խրճիթում.—նա փակւած էր մեզանից մի դուռը, հասարակ վարագոյրով: Նկաւ մէջտեղ այս ողորմելի, ծեր, մաշւած մարդը, փշեց, ցնդեցրեց դիւթական խօսքով այդ մշուշ վարագոյրը, բացեց մեր աչքին ուրիշ աշխարհներ, որ թէև այդ բոլորէն խսկապէս չկային, սակայն նրանք աշուղին տւին երիտասարդական կտրով ու եռանդ, վառեցին ուկընդիրների աչքում ուրախութեան կրակը, իսկ ի՞նչ . . . Նա էլ էի հետևում թէ վերջը ո՞ւր է տանելու մեզ այս աշուղը:

Կամաց-կամաց ես էլ նրանց հետ մոռացայ ամեն

բան, և մենք բոլորս միասին գնացինք այդ երեքուն ու ծաղկալի աշխարհները . . .

Եւ իբրև, ի՞նչպէս էր պատմում նա այն ժամանակ, ի՞նչպէս ուկտրւած շեշտում էր ամեն մի բառը, մէկ էլ ի՞նչպէս հպարտ թափահարում էր գլուխը: Հպարտ էր նա այդ միջոցին, ինչպէս մի հինաւուրց արծիւ, որի առաջ փուած է լայն իր անծայր թագաւորութիւնը:

Երեակայութեան հօր ու անվերջ աշխարհն էր այդ, ուր ոչ մարդն էր մեր մարդու նման և ոչ էլ մարդու խօսքը մեր խօսքի պէս:

Խօսք . . . եթէ նա մի անգամ դուրս էր թռչում մարդու բերանից—էլ չէր փնում անկատար: Ինչպէս արևի ճառագայթը, որ ուր ընկնում է՝ այնտեղ ծնում, ստեղծում է: Դու ցանկացիր միայն, ասա՛ ի՞նչ ես ուզում, և ահա իղձդ կատարւում է:

Ու պատմում էր աշուղը, ոգում իր բարձունքից, հրամայում էր: Եւ նրա բարձր ձայնից պատերը, մտայլ անկիւններն ու կորացած դիւղացիք հեխհ ահանջ էին գնում:

Ես չեմ պատմի հէքիաթը. նա երկար էր, իրար հիւսւած, և ո՞ր մէկ տեղը կարող ես յիշել: Ուր վերջանում էր մի երջանկութիւն, այնտեղ սկսւում էր ուրիշը. մի աշխարհի ափին բացւում էր ուրիշ լայն ու դիւթական աշխարհ . . .

«Միեց լեզւին քարը անդին, դէմը ելաւ սև արաբը: Ասաւ՝ «եկայ, հրամայիր, թագաւորը ապրած կենայ»:—Իմ հրամանն այն է—ասաւ,—ահա մի ժամ քեզ ժամանակ. կանգնիր շուտով պալատիս դէմ շքեղ պալատ ազամանդէ, որ ոչ որդիս, ոչ հարսնացուս իրանց

օրում տեսած չըլին, որ պալատը Չին'մաչինի նրա կըշտին խրճիթ թւայ:

Ասաւ քնեց. քնեց, զարթնեց:

«Պատրանստ է,» ասաւ

«Պատրանստ է,» ասին:

Ու խնդրակ գնաց թագաւորներին, գնաց մունետիկ ողջ ժողովրդին, որ գան հարսանիք:

Եկան շատ արքաներ, զարմանք ընծաներով, եկաւ լցւեց ժողովուրդը ու կապեց ծով: Քաջ ուժեղները ճեղքեցին ամբոխն ու առաջ անցան, և շատ անարի անձար մարդիկ էլ ոտնակոխ եղան:

Առաւ արքան արքայորդուն, արքայորդին իր հարսնացուն, ելան շքով ու գնացին դէպի պալատն երանութեան:

Ու գնացին ու ինչ տեսան, ինչ տեսնէին որ լաւ լինէր:

Արեգակի դէմն էր առել շքեղ պալատն ադամանդէ, ու պատած էր ջահիլ դրախտ նրա շուրջը դօտու նման:

Երկու ասլան պէտ, ոսկեբաշ, ծանր ու խոնարհ գլուխ տւին.—մտան պարտէզ գեղահրաշ, հազար թընչուն դայլայլեցին:

Հազար նոճի գնում գալիս, օրօրում էր երջանկօրէն, բլբուխների արբուն տաղից ծաղկունք ուշից զընում էին:

Հայրենիքը ծաղիկների անմահացնող տւեց բուրմունք, շատուաններ դէպի արև մարգարիտներ ցայտեցրին:

Ու գնացին դռան դիպան, ու շուռ տւին մեծ բանալին.—քառ'սուն տեսակ եղանակեց այն կողպէքը հրաշալի:

Հարսնեորը մտաւ պալատ ու նոր քէֆի ծայրը բացւեց»...

Աշուղի երեակայութիւնը կրակւած գնում էր ու մեղ էլ հեւը տանում: Նա ցնցւում, ժպտում էր և ոգևորւած ձայնը հիմա թնդում էր:

Իսկ շուրջը լուռ, շուրջը դիւթւած, հմայւած: Գոռում էր նա:

Խելագարւե՞լ էր, ի՞նչ է:

Հասաւ երգերի հերթը: Նա ոգևորւած բարձրացրեց ձեռքը, զարկեց սազին, ցնցեց լարերը և հնչեցրեց սիրահար արքայորդու հարսանիքի երջանիկ երգը... խրճիթում:

—Ձան,—լուեց այս ու այն կողմից:

Հրճւում էին:

«Հրամայեց թագաւորը, բացւեց սոււիրէն հրաշալի, ամեն երկրի պահճու գինով, բարիքներով անհատներին:

Ու քառասուն օր եղաւ մեծ հարսանիք, ու քառասուն օր մեծ յարգ ու յարգինք, քառ'սուն օր տեղաց մարգարտի կարկուտ և ոսկի անձրև առատ ու անտուտ:

Եւ անա սկսեցին արքայորդու երանութեան օրերը:

Սկսեց սէրը յաւերժական, կեանքը անհատներին երանութեան պալատում... .

Երանութեան պալատում... ., Աշուղն էլ, նրա ունկընդիրներն էլ մտան այդ երանութեան պալատը: Իսկ ևս մնացի այդ աղքատիկ, տխրւր ու մուսլ խրճիթում...

Նայում էի նրա մերկ պատերին, շրջապատող աղքատութեանը, այդ խեղճ աշուղին, այդ վերացած, երագող դէմքերին,—և տարօրինակ բան. կարծես՝ էլ նրանք ինձ մօտ չէին, նրանք արդէն այն աշխարհումն էին... .

Կրակը ժպտում, քոքոռում, օդօդ էր ելնում, լիզում էր օջախի սև պատերը: Եւ ուրախ կենսալի լոյսը ողողում էր բոլորի դէմքը:

Կէս գիշերին միայն վերջացաւ երկար հէքիաթը:

ՀԱՅԱՍՏԱՆԻ ԳՐԱԳԱՐԱՐ
ՀԱՅԱՍՏԱՆԻ ԳՐԱԳԱՐԱՐ
7/11-1922

Ունեւորները շարժակալ եղան աշուղից ու կամաց-
կամաց ցրտեցին իրանց տները:

Հարկատու էր քնել: Փաթաթեցի ետփընջուս մէջ
ու պառկեցի: Ճրագը հանգած էր: Օջախի կրակն էր մի-
այն, որ հիմա փրփրում ու տխուր-տխուր ժպտալով
իմ դէմքին՝ պատրաստում էր մեռնելու, մարելու:

Իսկ տանիքից բաց արած նեղ լուսանցին թակում
էր քամին, որ դուրսը չափ էր ընկել դաշտերում ու
ոռնում:

Շուրջս ամեն ինչ աւելի տխուր դառաւ: Քունս
չէր տանում, միտք էի անում:

Ո՞ւր մնաց հէքի Պը: Մարեցին կախարդական աշ-
խարհները, ինչպէս մի շքեղ սիմֆոնի, և խրճիթի մուշլ
պատերն էին միայն, որ նօթերը կիտած ինձ էին նայում:

Քնած էր աշուղը, քնած էր նաև նրա սաղը:

«Հը՛մ», մտածում էի ես, «քիչ չէ՞ր լինի—հալած
ոսկի ցայտող շատրւաններ, ադամանդէ պարստ, հրա-
շալի սիւսոց, որ ամեն մի հրամայելուն բացւում է աշ-
խարքիս ամեն տեսակ բարեքներով»...

Դաժան աղքատութիւն... բայց չէ՛, նա էլ գութ
ունի դարձեալ: Նա ուտում՝ կրծում է մարդու կեանքը,
բայց չի ատում մարդուն այնքան: Այդ դաժան ճիւղը՝
զալարելով մարդու ամբողջ էութեանը, հանգցնելով
արևի լոյսը նրա աչքին, կորացնելով ու մղելով դէպի
գեանափոք խրճիթը, դէպի գերեզմանը,—թողնում է
սակայն երազական աշխարհը նրան...

Գնա՛, թաղէ՛ր այդ հեռու, երեբուն ու ծաղկալի
աշխարհները. գնա՛, երազէ՛ր ու թռի՛ր, ինչքան տեսնում
են հոգուդ կարօտ աչքերը, ինչքան կարում են թեքը
քո օրհնեալ երևակայութեան,...

Է՛հ, ի՛նչ կայ. այդ էլ մի միլիթարութիւն է...

Բագրևաշատ
Հովհաննէսէան Դպրոց

ՀՀ Ազգային գրադարան



NL0339406

27979

